

Miguel Díaz-Canel vizitas Hindion.



La unua vicprezidento Miguel Díaz-Canel alvenis al la hinda ŝefurbo por plenumi dutagan viziton, kies celo estas refirmigi la diplomaciajn rilatojn ekzistantajn inter la du landoj en ties 55-a datreveno.

La kuba vicprezidento renkontiĝas kun la plej altrangaj gvidantoj de tiu lando, inter ili la ŝefministro Narendra Modi, kio konfirmas ĝin kiel la plej altranga renkontiĝo ekde oktobro de 2013, raportis la informagentejo Prensa Latina.

En tiu dato, la vicprezidento hinda, Hamid Ansari, vizitis Havanon kaj estis akceptite de la kuba prezidento Raúl Castro kaj de la historia gvidanto Fidel Castro.

Aliaj renkontiĝoj de la kuba vicprezidento estos kun la prezidento Pranab Mukherjee kaj denove kun sia hinda homologo, Ansari, kiu ankaŭ gvidas la altan ŝambron de la parlamento aŭ Rajya Sabha.

Díaz-Canel ankaŭ vizitos la urbon de Agra, je 180 km sude de Delhio, la faman Taj Mahal, kultura homa heredaĵo, kaj aliajn eksponantojn de la kulturo, historio kaj tradicioj de tiu jarmila lando.



Radio Habana Cuba